

Pisat ilaasa nalunaarutigineqarnerini naatsorsueriaatsit pillugit Namminersorlutik Oqartussat nalunaarutaat

Aalisarnej pillugu Inatsisartut inatsisaanni nr. 18-imi, 31. oktober 1996-imeersumi, ilaatigut aalisarnej pillugu Inatsisartut inatsisaatigut nr. 6, 20. maj 1998-imeersukkut, aalisarnej pillugu Inatsisartut inatsisaatigut nr. 5, 21. maj 2002-imeersukkut, kingullermillu Inatsisartut inatsisaatigut nr. 8, 22. november 2011-imeersukkut allanngortinneqartumi, § 10a, § 26, imm. 1 aamma § 33, imm. 2 naapertorlugit aalajangersarneqarput:

Atuuffia

§ 1. Nalunaarut imartami Kalaallit Nunaata aalisarnikkut oqartussaaffigisaani avataanilu kalaallit angallataannut aalisarsinnaanermut akuersissuteqartunut atuuppoq.

Imm. 2. Nalunaarut aamma nunat allamiut angallataannut kalaallisut aalisarsinnaanermut akuersissuteqarlutik aalisartunut atuuppoq.

Nassuiaatit

§ 2. "Aalisagaq ilivitsuutillugu" paasineqassaaq aalisakkaq uumanermini oqimaassusiatut.

§ 3. "Pisat ilaasa nalunaarutigineqarnerini naatsorsueriaaseq" paasineqassaaq kisitsisutut, imaluunniit tunisassiap inereerlugu suliarineqareersup annertussusiatut, poortuutai ilanngunnagit oqimaassusiata aalisakkaq pisarineqarsimasut ilivitsuullutik oqimaassusiisa naatsorsorneqarnissaanut amerlisaatit.

Pisat ilaasa nalunaarutigineqarnerini naatsorsueriaatsit

§ 4. Kalaallit Nunaanni Aalisarsinnaanermut Akuersissutinik Nakkutilliisoqarfimmut (KANUAANA) pisanik nalunaaruteqarnermi ilanngussaq 1-imi pisat ilaasa nalunaarutigineqarnerini naatsorsueriaatsit taaneqartut atorneqassapput.

§ 5. Ilanngussaq imm. 1-imi eqqaaneqarsimanngitsunik tunisassiortoqarpat KANUAANA-mut saaffiginnittoqassaaq, taassumalu tunisassiamut tassunga tunngatillugu pisat ilaasa nalunaarutigineqarnerini naatsorsueriaaseq aalajangersassavaa.

§ 6. Kalaallit angallataasa imartami Kalaallit Nunaata aalisarnikkut oqartussaaffigisaata avataani aalisarneranni ilanngussaq 1-imi pisat ilaasa nalunaarutigineqarnerini naatsorsueriaatsit atorneqassapput, nunami namminerimi imaluunniit nunat tamalaat akornanni oqartussaasunit pisat ilaasa nalunaarutigineqarnerini naatsorsueriaatsinik allanik immikkut aalajangersaasoqarsimanngippat.

Pineqaatissiissutit

§ 7. §§ 4 - 6-imi aalajangersakkanik unioqqutitsinerit akiliisitsinermik imaluunniit akuersissutip arsaarinnissutigineqarneranik kinguneqarsinnaapput. Suliat tamakkununnga tunngasut aalisarneq pillugu Inatsisartut inatsisaanni maleruagassat malillugit aammattaaq suliarineqartassapput.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsippat ingerlatseqatigiiffik taannaatillugu akiliisitassatut akisussaasunngortinneqarsinnaavoq.

Atuutilerfia

§ 8. Nalunaarut ulloq 1.april. 2012-imi atuutilissaaq. Tamatumunnga peqatigitillugu, Pisat ilaasa nalunaarutigineqarnerini naatsorsueriaatsit pillugit Namminersornerullutik Oqartussat nalunaarutaat nr. 25, 29. december 2003-imeersoq atorunnaarsinneqarpoq.

Namminersorlutik Oqartussat, ulloq 22. marts 2012.

Ane Hansen

/

Jens K. Lyberth

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut